

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Tauanga Hākinakina

Aronga: Pāngarau 1.2B

Paerewa Paetae: Pāngarau 1.2

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe aromatawai, ko tāu mahi he whakatutuki tūhuratanga tauanga e hāngai ana ki tētahi ripanga raraunga matarua. He raraunga ēnei e pā ana ki te hākinakina, ā, ka hoatu ā-pepa, ā-matihiko rānei ki a koe.

Te horopaki

I tēnei ngohe aromatawai, ko tāu mahi he whakatutuki tūhuratanga tauanga e hāngai ana ki tētahi ripanga raraunga matarua. He raraunga ēnei e pā ana ki te hākinakina, ā, ka hoatu ā-pepa, ā-matihiko rānei ki a koe.

Tuatahi, ka whakatakoto i ētahi pātai whakatairiterite. Tuarua, ka whakamahi koe i tētahi o aua pātai hei tūhura rapanga māu. Kātahi ka tātari, ā, ka whakautu hoki koe i taua pātai tonu.

Mā te kounga o tō matapakitanga me ō whakamāramatanga e whakatau ai tō māka whānui. Whakaaturia mai ō tātaitanga katoa. Whakamahia mai ngā kīanga pāngarau e tika ana.

Hei mahi

Te Rapanga

- Āta tirohia ngā taurangi ka whakaaro ai i ētahi pātai tauanga e rua hei tūhura māu. Tuhia āu pātai e rua mō ngā raraunga hākinakina.
- Ko te take o ngā pātai, ko te whakatairite i ētahi rōpū raraunga e whakaaturia ana i te ripanga.
- Titiro ki ngā paearu mō ngā pātai whakatairite.

Hei āwhina:

He paearu mō te tuhi pātai whakatairite pai

Kei te whakatairite rōpū/tau, ā, ka whakamahi i ngā kupu pēnei:

He aha te rerekētanga o...i...?

Ka mārama ki te taurangi hei tūhura.
Ko wai mā te rōpū/hapori?
Ka taea te whakautu te pātai?
Ka taea te tātari te katoa o te rōpū/raraunga?
Ka whaitake te pātai?

Kei [<http://www.censusatschool.org.nz>](<http://www.censusatschool.org.nz/>) te raraunga mō tēnei aromatawai.

- Mō ia pātai, me tuhi hoki i te taurangi e tūhuratia ana me ngā rōpū raraunga e whakatairitea ana.
- Hoatu āu pātai hei tiro tiro mā tō kaiako. Mēnā e tika ana te takoto o ngā pātai, ka tukuna koe ki te tātari i ngā raraunga. Ki te kore e tika te āhua o tētahi o ngā pātai, mā tō kaiako koe e paku āwhina. Mēnā ka paku āwhinatia koe e tō kaiako, ko te taumata o te paetae, o te kaiaka anake rānei ngā taumata e taea ana mō tēnei aromatawai.
- Kōwhiria tētahi o ngā pātai i oti ai i a koe hei tūhura māu.

Te Tātari

- Tuhia kia rua ngā kauwhata (nui ake rānei) e hāngai ana ki tāu pātai hei whakaatu i ētahi āhuatanga rerekē ai ētahi o ngā raraunga.
- Whakaaturia ngā tātaitanga tauanga e hāngai ana ki te tūhuratanga.
- Whakamāramatia, whakatairitea ngā āhuatanga e kitea mai ana i ngā tuaritanga raraunga, pērā i te ia o ngā raraunga, ngā tauira, ngā āhuatanga kōhure, me te āhua o ngā tuaritanga raraunga. Me kimi i ngā tuaritanga raraunga e whaitake ai tēnei kaupapa.

Te Whakataunga

- Me whakaatu taunakitanga hei parahau i tāu whakataunga.
- Tuhia he whakataunga hei whakarāpopoto i ngā whakakitenga o tāu tūhuratanga.
- Kia hāngai te whakataunga ki te pātai i tūhuratia ai. Me tuhi hoki ngā kōrero i puta ai i te tūhuratanga hei taunaki i tāu whakataunga.

Ngā mahi hei tāpae

Ngā tuhinga kōrero i oti i a koe hei whakatutuki i tō tūhuratanga.